

**SEMAKAN  
DAFTAR PEMILIH TAMBAHAN BULAN MAC TAHUN 2026  
(DPT BLN3/2026)**

**DAFTAR PEMILIH TAMBAHAN BULAN MAC 2026  
(DPT BLN3/2026)**

1. DPT BLN3/2026 telah diperaku pada 17 April 2026 dan diwartakan pada 20 April 2026. DPT BLN3/2026 ini akan **dibuka untuk semakan selama 30 hari mulai 20 April 2026 hingga 19 Mei 2026.**
  
2. DPT BLN3/2026 ini mengandungi seperti berikut:
  - (a) **40,958** orang warganegara yang berumur 18 tahun dan ke atas pada 1 Mac 2026 hingga 31 Mac 2026 yang didaftarkan secara automatik sebagai pemilih baharu;
  - (b) **11,134** orang pemilih berdaftar yang bertukar bahagian pilihan raya; dan
  - (c) **965** orang pemilih bertukar kategori pengundi/ status.
  
3. DPT BLN3/2026 boleh disemak melalui kaedah-kaedah berikut:
  - (a) Portal SPR di pautan **<https://www.spr.gov.my>** atau **<https://mysprsemak.spr.gov.my>**;
  - (b) Portal rasmi Pejabat-Pejabat Pilihan Raya Negeri di pautan **<http://ppn.spr.gov.my>**;
  - (c) Aplikasi dalam talian di pautan **<https://myspr.spr.gov.my>**;
  - (d) Aplikasi mudah alih **MySPR Semak**; atau
  - (e) Hotline Semakan Pendaftaran Pemilih di talian **03-8892 7218**.

## **TUNTUTAN**

1. Dalam tempoh semakan ini, warganegara yang berumur 18 tahun dan ke atas pada 1 Mac 2026 hingga 31 Mac 2026 atau pemilih berdaftar yang telah memohon pertukaran bahagian pilihan raya atau pertukaran kategori pengundi/ status dalam tempoh 1 Mac 2026 hingga 31 Mac 2026 yang mendapati namanya **tiada** dalam DPT BLN3/2026 boleh mengemukakan **TUNTUTAN** dengan mengisi **Borang C**.
2. Selain itu, mana-mana pemilih yang namanya ada dalam DPT BLN3/2026 mendapati terdapat kesilapan maklumat atau **kesilapan kawasan pendaftaran** juga boleh mengemukakan **TUNTUTAN** dengan mengisi **Borang C**.
3. **TUNTUTAN** boleh dikemukakan secara dalam talian di pautan **<https://myspr.spr.gov.my>** atau hadir ke Pejabat Pilihan Raya Negeri yang berkenaan pada waktu pejabat pada mana-mana hari bekerja. **Tiada** bayaran fi dikenakan bagi tuntutan.

## **BANTAHAN**

1. Dalam tempoh semakan ini juga, mana-mana pemilih berdaftar di suatu bahagian pilihan raya yang membuat semakan dan berhasrat membuat **BANTAHAN** ke atas kemasukan nama pemilih yang membuat pertukaran ke bahagian pilihan rayanya, hendaklah mengisi **Borang D**.
2. **BANTAHAN** boleh dikemukakan **secara dalam talian** di pautan <https://myspr.spr.gov.my> atau **memuat turun** Borang D dari portal Pejabat-Pejabat Pilihan Raya Negeri di pautan <http://ppn.spr.gov.my>.
3. Seorang pembantah dibenarkan membantah **tidak boleh melebihi 20 nama dengan bayaran fi sebanyak RM10 bagi setiap orang yang dibantah (OKB)**.
4. Pembantah hendaklah **hadir ke Pejabat Pilihan Raya Negeri yang berkenaan pada waktu pejabat pada mana-mana hari bekerja** untuk mengemukakan Borang D (sekiranya menggunakan borang yang dimuat turun) serta bayaran fi bagi bantahan tersebut termasuklah bagi permohonan yang dibuat secara dalam talian.